

مجموعه ابوالضیا

ماوا شایسته‌ن دل تظایره پالش
پرتو حکمت و عرفان ایله تنویره آتش

علوم و معارفدن بحث ایدر. و هر ماه عربی ابتداسیله اون بشته نشر اولنور فنون غزیه‌سیدره

نومرو ۵ [فی ۱۵ ذی القعدة سنه ۱۲۹۷] نسخه‌سی ۳ فروش

رودوس مکتوبلری

نومرو ۱

س ... بکه

عزیزم!

اغترابک اوننجی آینده برنجی دفعه اوله‌رق، بر مکتوبکزی و ملفوف
قونسمتوده محرر اشیا صندوقنی (لوئید) آجنته‌سندن آلدیم.
ارسال بیوریلان اشیا بک اتخابنده کی ظرافت و اهداسنده کی مرو-
تکرتک بنا وتشکرینی بیان و ایفادن اول مکتوبکزده کی سؤاللرک جوابنی
اعطا ایتک ایسترم.

۱۱ آبدر دنیام ۳ مترو عرضنده و ۴ مترو طول و ارتفاعنده بر او طه-
دن عبارت اولدیغی جهته‌له اکرچه شو چار دیوار ایچنده مشهوداتم
محدود و مسموعاتم همان مفقود ایهده تصورات و تخیلاتم حقیقته نامعدود
در بو جهته‌له هدایا کرک ۱۱ آبدن بری حال سکونده بولان حسیاتمی
غریب بر صورتده ایفاظ ایتش اولدیغنی کتم ایده‌م؛ چونکه ۲۵ سنه‌لک
بر عمر ایچنده بنده ایچمه شی کورمش؛ و ایچمه نفایسه‌له الفت ایتش اولد-
یغمدن، کوزلریمی نهایت ۲ ثانیه‌دن عبارت بر مدهنده سطحسندن سقفه
ویمندن شماله ۲ کره تحریک ایدیور مکه طولانی، عرضنی، ارتفاعنی
اولچمک قابل اولان بو او طه‌دن و تعبیر اصح ایله هر درلو آرزومک حصوله

حائل اولان شو صندوقه بلادن البته خشنود اولماقلم لازم کثیر .
 باخصوص فکر ایچون مألوفانی افاته ومعلوماتی امانه قابل اولمور؛ که
 شو عالم تنهاییده حقیقه اوطه می مزار و کندی می میت اعتبار ایدوبده او-
 قائمی هر درلو انفعالات و تأثراتدن بری برحالده امرار ایلیمه یله می !

لسانم زده « انسان مزاره یله آیشیر » دیه بر مثل ضرب ایدیلر؛ حال بو که
 بیلدیکمز بو حیات فانیه ایچنده انسان ذیلان مخلوق غریب هیچ بر شیئه
 آیشه مز ؛ فقط آلاشم ظن ایدر . اعتقادیمه انسانک بلادتنه الک قوی
 دلایلردن بری ده دائم کندیسنی کندی و همیاتیله آلداتمقلنی اولسه کر کدر .
 حیات ثانیه بی هنوز ادراک ایدمه مدیکمدن - اکر « بر سور کون حبیه »
 سفرت آخرت مقدار ایسه - مزاره آیشوب، آیشیه میه جغمی (بو حس،
 بو ادراک باقی اولدیغی حالده) اوزمان، اوراده آکلارم . شمدینی حالده
 شونی سویلیکدن کری طورهم که بن بومکروه اوطه یه حالا آیشه مدم؛
 و بوراده بولند قجه آیشتمقلغمده ناقابلدر ؛ اولسه اولسه
 « دوشدک رباط دهره؛ چکیم کرک جفا سن

بولدر ؛ بو بولده آدم البته راحت اولمز ! »
 قولیه انسانیتک ابتلاسنه ترجان اولان شاعرک ذهانی بر دستور
 حکمت کبی تلقی ایله چاره نه ! بر کره دوشمش بولندیق ؛ قور بیلجیه قدر
 ایستریسته مز تحمل ایدمه جکر دیه بیلیرم .

بوقسه ۷ سنه دن بری الک مطبع، الک راز آشنا، الک حق کو آرقداشم
 اولان قلم دن یله نفرت ایتدیرن شودار عقوبته کرچکدن آیشه بیلک
 محالدر

مکتوبکزی ضد و قکرذن اول آجدیغم و مندرجانی اوقور کن سزکله
 ملاقی اولمشد ۱۱ آیلق وقایعدن خبر وریور و ۱۱ آیلق احوالمدن
 خبر صورریور مشسکر کبی غریب بر واهمیه اوغرا دیغم جهته یه برایی
 دقیقه قدر مزارمک ایچنده بر عالم دیکر مشاهده و کویا حریت مغصوبه می

استرداد ایشمده، الك شفیق برار قداشمله ملاقه موفق اولشم کبی بر ذوق وجدانی حاصل ایش ایدم ! نه فائده که او طمه مک آلتنده اولان و « پرائقه لی » دنیلان بدبختانک پای و میانلرنده مربوط بولنان سلسله نکلک شمانتیه بردنبره کندیمه کلدیگنده حسیات واقعه مک پیدارلغه مخصوص بر نوع رؤیا حکمنده اولدیغنی ادراک ايله بالکز بخش ایتدیکی ذوق و تأری محافظه ایده یلدم

هابدی سؤال مرکزک تربیتی بوز مقسزین برر بر جوابلرینی ویره بده اشیدان تحصیل ایدن محظوظیتی صکره بیان ایدیم !
برنجی سؤالکز « نصل یشایور سکر ؟ » جله سیدی دکللی ؟ هرذی روح ایچون دنیاده مقدر بریشایش اولدیغندن، بزه قبل تقدیردن تخصیص اولنان صورتده یشایورز ؛ دیسه یلیم جوابی کافی کوررمیسکر ؟
اوطمه مزار دیمش ایدم . بو تعریف خاطر کره زیر زمینی کتیر مسین !
اوطمه مزار اطلاق ایدیشم بولندیغم حال تهایی و سکونی و برده دخول و خروجک امکانشزلغنی تفهیمدن کنسایه ایدی . کرچک بعض کره - عذابه مؤکل زبانیان قبیلهندن - زار دیانلق وظیفه سیله مکلف اولان ضا - بطن کبرر . لکن کوکل بوزلرینه باقعه میل ایتز . صورتا ایسه چهره
ایتسام اظهارندن ده حسب الحال کری طورلمز . بن اعتراف ایدیورم که بو بر نوع مر ایلقدر ؛ فقط بو حالک ایجاب ایده چکی شرمسارلق بو درلو دنیاتی التزامه مجبور ایدن بخته حائد اولسه کر کدر !
حریف یانمه نه ایچون کلایور ؟ حال و خاطریمی صورمغه می ؟ بوقسه ابتلامه آجیوبده تسلیت و برمه می ؟

بوکا احتمال و برمک انسانیتی بر فکر مسیحانه ايله ملکیت درجه سغه اصعاد ایتیمجه قابل اوله مز . کندیمی انسان ییلوبده وجدانی ده مائل سؤ ظن بولدقجه آرتق بشقه لرینک طینت ملکانه سنه احتمال ویره چک قدر ساد دل اوله م . ضابط کونده بر قایچ کره اوطمه کلکله وظیفه سنی ایفاییدیور ؛

واقعا طوریه بنی بالکز بر اقامت ایستدیکنی کوسترمک ایستور، اوپله
ایسه ربایه قارشى ریا اقتضا ایدیور .
آنک و طیفه سی تفتیش و تجسس ؛ فقط طورى مشفقانه ! بنم ده
بر فتحسسه قارشى وجدانم مائل نفرت ؛ فقط سیام ملتفانه ! ایستد مقابله
بالمثل بوکا دیر .

شامق لفظى مسکن و معشیت خصوصاً برینى جامع اولدیغندن ابتدا
مسکنک موقعى تعریف ایدهیم :

بولندیغمز دائره آطه نك شمال شرقیسنده شوالیه لدن قلله بر (شاطو)
خرابه سیدر که اطرافى قلعه نك حصارندن ماعدا دیگر بر حصار ایله محاط
اولمق لازم کله جکنى (شاطو) لفظى ایضاحه حاجت بر اقر . بزم شاطو
دخی سور ایچنده بر سوردن عبارتدر ؛ فقط بر طرفى قلعه نك دیوارینه
ملاصق اولدیغندن ، ایکنجى سور بالکز جوانب ثلثى محاطدر .
بوشاطوده وقتیه شوالیه لك « متر » لى اوطوررمش ؛ ایوم شاطودن
بر برجله مدخلنده کی ایکی مدور قلعه دن و بنانك اطلالندن صکره پشتیبان
حکمنده جهات اربعه یائیش اولان اون قدر مخزنن بشقه اثر قالمشدر .
بو مخزنلر ایسه شمدیكى حالد « پرائقه لیره » کومسلك ایدیور ! چونکه
اقشاملری قابولری اوزرلرینه قاپانوب ، کلیدلندیکی وهرکس تونه مک
قبیلندن یاندیغى و باخصوص حاجات بشریه یی دفعه مخصوص اولان محل
بوزندانلرک خارجنده بولندیغى جهته بولنره اوطه و سکناکى اوصافدن
زیاده کومس اطلاق بجادر .

ایستد بزم حجرده بو بنایه صکره دن علاوه اولمش بر دائره جکک
زندانک باغچه جهته اولان جبهه سنده واقعدر که طولانى بر صفه یی تحت
برده ایله ایکی به بولمکدن حاصل اولمش بر اوطه جیقدر . اوطه مک قیوسی
اودائره نك صفه سینه آچیلیر . صفه نك ایچ زندانک کرنی محلنه ناظر برده
نجره سی واردر . بنانک اوطه مک مقابل جهته کی جبهه سنده ایسه

ایکی یوک قغوش اولوب، برینی بزنداننه کیردیکمز زمان مطبخ انماذ ایلش ابدک؛ دیکرنده ده بزدن اول زندانک محافظه سنه مأمور عسکر او طور رزمش؛ شمدی خالی اولدیغندن آنی ده کو کر جینلر مه تخصیص ایلدم.

ایشته کوکلم ایسته مدیکی حالدده مسکنی بر درجه یه قدر تعریف ایلدم. ایکنجی سؤالکیز «نه بله وقت کیردیکمه» دایر ایدی. بو کاجواباً - امانه اوقات ایده بیله جک هر فرصتدن استفاده ایله - دیسه م بیلیرم که قناعت بخش اولمز. زیرا دریغ که وقت کندی کندینه کچوب کیمکده ایکن آنک کسدرانی تسریعه چالشمق کار عاقل دکلدز؛ اعتراضی وارد اوله جنی معلومدر. نه چاره که انسان موهوب اولدیغی نعم حریتمدن محروم اولدیغی بر زمانده امانه اوقاتدن بشقه بر شی دوشمکه قادر اوله میور. بویه بر اعتراضده بولمق ایستیانلره - پک اعلا! تبدیل موقع ایدلمده آندن صکره قونو - شلم! - سوز بله مقابله ایتک ایجاب ایدر صانیرم. دقت یور یورسکن یا بالاده کی افاداعدن طولابی مؤاخذه یه قالمشامکیزی نازکانه آکلاقم ایستورم.

ایکی آی واردر که کوندوزلی پرانقه لیلرک ایچنده وقت کچیر یورم؛ حبسخانه لره مخصوص بر طور مساعده کارانه وار؛ لکن بزم بیلدیکمز ومساعده لفظندن استدلال ایلیه جکمز حالک تمامیه عکسنه در. بویه برلرده انسان محصور اولدیغی دائره نک، ولو نه قدر جزوی اولورسه اولسون، اتساعی آرزو ایدرسه حرماندن بشقه بر شیئه نائل اوله میز. فقط او دا - ثره یی بر درجه دها قصر وتحکیم ایتک ایسترسه دریغ مساعده یورلر. مقصدمی براز دها ایضاح ایده می: پرانقه لیلره نسبتله بزم موقعیز قلعه بندلره نسبتله جزیره بندلرک حالی قبیلندن اولدیغندن، برقلعه بند خارج سوره چیقه مدیغی حالدده بر جزیره بند آرزو ایستدیکیزی زمان درون سوره فصل داخل اولورسه بزده زندانزدن قلعه ایچنه ۲ ضابطیه وبر طوبجی ضابطیه فقط جمعه دن جمعه یه چیقه بیلدیکمز حالدده هر ایسته دیکمز

آندە بلایر و پرائقەلیرك ترسانه اطلاق ایلدیکی ایچ محبسه کیره بیلکده یز.
یتاقدن قالقوب الیمی، بوزیمی بیقادقندن صکره کو کرچینلر مک یانتە
کیدرم.

ابتدا صولرینی تازه لیوب، بعده یلرینی ویریرم. بواشلری کورنجه به
قدر خدمتچیمز اولان ضبطیه قهوه می یئتدیرر؛ بنده سیغاره می یاقوب
کیفمه باقارم.

کو کرچینلرم حلبك دمكش جنسندن وجله سی كبود رنكدر. بونلر
بوندن بدی آی اول بر چفت ایدی؛ بو کون یاوریلرله برابر بش چفت
بر تنكدر. شمیدیکی حالدە عائلەم بونلردن عبارت اولدیغندن، بر رئیس
عائلەك وظیفه سی نه ایسه بنده صباحلری کندیمی آنكلە مكلف یلەرك،
ایفاسنه چالشیورم. حیوانلر بندن اصلاً نحاشی ایتزلر. مسكنلرینه کیر-
دیكم کبی جله سی بدن اوزریمه طوغری كلوب، عرض اختصاص ایلە
برابر مظهر نوازش اولق تمنینسندە بولندقلرینی لسان حاللرله آكلاتمق
ایستزلر. بنده هر هانکیسنی ایسترسەم الیمی اوزاندیغملە طوتوب اوقشا-
رم. حتی بر آوجده توتندیكم حالدە دیگر آوجده کی می یلیریرم. بو
التفات ایسه مساواة اجرا ایلدیگندن، یئلرنده - دائرة انسانیت داخلندە کی
بلیانك یكانه قوه مولده سی اولان - حسد ورقا بندن ار یوقدر. هپسی
بندن آیری آیری ومتساویا مظهر تلطیف ونوازش اولمقده وهپسی ده
بر درجه ده سویلدکلرینی بیلکده درلر.

هله کوزللکترینی تعریف ایدەم؛ تویلرینك لونی كبودی اولدیغنی سو-
یله مش ایدم. بوندن خاطر کزه بزم جامع کو کرچینلری کلیسین. بونلر قوزغونی
سیاهه مائل پارلاق رمائی اولوب، کویا که بد قدرت تویلرینك هرنارینی آیری
ایری کومش صوینە بازمش کبی اومائلك اوزرنده بر لون مشعشع دهاموجو-
ددر. چشلری بزم ییلدیگمن الك عظیم اجشه کو کرچینلردن ییوك و چاقشیر تعبیر
ایدیلان پاچه لری بر قارش و باخصوص تپه لری رأسك نصفنی محیط اولدیغندن،

آرقه دن باقلدیغی حالده خطوسنی (قطاسنی) آرقه سنه اکش ظرفا طاسلاقری کی نظرله لطافته مزوج برقیافت عرض ایدر. هله رفتارلی پک شوخانه و صباحه فارشی غلغله لی ایسه وجدانی بر چوق حسسیات روحانیه ایفاظنه مدار اوله جق قدر حزن و معصومانه در.

ایشته هر کون الک اولکی اشتغال بونرله در. آندن صکره سیغاره قوطوسنی آکوب ایچ زندانه داخل اولورم. فقط هر دخول و خروجده (فارچ!) دبه ایشیدیلان بر صدای مدهش اعضای بدنگی بلکه (سجیع برطرف) هر موی تنی نزه ناک ایتکده در.

ایکی اوچ بوس قطرنده دمیچوبوقترله شطرنج واری یابیش بر قابو و تقریباً اون قیه نکلنده بر آسمه کلیدله ایکی متر و طولنده و اوچ بوس قطرنده بر دمیچ سورمه تصور ایدیکر! بو تصور کزک عیننی هر نره ده کور رسه کز بلاتردد محبس قابوسی! دبه حکم ایتکه مأذونسکز!

ایشته دیدیکم صدا بوسورمه بی تحریکدن حاصل اولقده در.

پوسته وقتی تقرب ایلدیجی جهته له مکتوبه بوراده نهایت ویرمه یعنی بوهفتدک بوقدرله اکتفا ایتکه مجبورم. باقی دعا...

۱۵ ذی القعدة ۱۲۹۳
دودوس زندانی

شطرنج

شطرنج پک قدیم بر او یوندر. بعض کیمسه لر چین ده و بعض محققین هندده اختراع اولندیغنه قائلدر. لکن اسمنه باقلینجه هندده ایجاد اولندیغی حقیقه کی اقوال ده از یاده صحته قریب کور نمکده در، چونکه هندلستانده (شط) درت و (رانغ) صف عسکری معالیه اولدیغندن، بوا یکی کله دن ترکیب ایله لعب مذکور شطرانغ تسمیه ایدلش؛ و لفظ مذکور مؤخرأ بالتخریف فرس و عرب لسانلرینه ده نقل اولمش در. حتی فارسیده (شترنک) دینیر که شینک کسر یله (شطرنج) آنک معربى در.